



NAQQIUT

Naqqiummi allanngortinneqarpoq oqaaseqartoq Siumut kisimi tunuliaqutigalugu oqaaseqarnani Naalakkersuisooqatigiit sinnerlguit oqariartuuteqarami.

10. maj 2016

UPA2016/68

Inatsisip atuutsinneqartup Naalakkersuisut kingusinnerpaamik UPA 2017-imi allanngortinnissaanut siunnersuummik suliniuteqaqqullugit siunnersuut. Taamaaliornikkut ilagiit sinniisaanut qinikkatut sulineq allatulli qinigaaffittut atuutilerseqqullugu.

(Inatsisartunut ilaasortaq Anthon Frederiksen, Partii Naleraq)

Inatsisartunut ilaasortap Anthon Frederiksenip Partii Naleqqameersup ilagiit sinniisaanut qinikkatut allatuulli qinigaaffittut atuutilersitsinissamik siunnersuutaa Naalakkersuisooqatigiiniit imaattumik oqaaseqarfignissavarput.

Ilagiit sinniisaanut qinigaaneq inatsisikkut illersugaavoq, taamaammallu ukiut sisamakkaarlugit qinersisoqartarpoq. Tamanna Inatsisartut inatsisaanni nr. 7, 3. december 2012-imeersumi § 68-ianni erseqqissumik allassimavoq.

Siunnersuuteqartup kissaatigaa ilagiit sinniisaanut ilaasortaaneq qinikkatut ajunngitsorsiaqartinneqartariaqartartoq, Naalakkersuisooqatigiinniillu erseqqissassallu pingaaruteqarpoq kommunalbestyrelsemi ilaasortaannermut aamma nunaqarfinni aqutsisunut ilaasortaannermut ilagiit sinniisaasa suliaasaqarfiaq allarlunnaammata, taamaattumillu matumani assersuunneqarsinnaanani.

Naalakkersuisooqatigiinniillu pingaartillugu oqaatigissavarput ilageeqarnerup nukittorsarneqartuarnissaa pingaaruteqarluinnartutut isigigatsigu, taamatullu aamma inuk kinaluunniit inuiaqatigiinni sullissisoq akissarsiaqarluni sulisussaasariaqarneranik isuma Naalakkersuisooqatigiiniit assortunngikkippat matumani oqaatigissallutigu.

Ilageeqarnerup iluani aqqissusseqqinnissat minnerusumik annerusumilluunniit inuiaqatigiit pisariaqartikkaat oqaatigineqarsinnaavoq, ilaatigut ilageeqarnerup iluani atorfeqartitaanermut tunngasutillit pitsannngorsartariaqartut eqqarsaatigalugit taamatuttaaq oqaluffeqarnikkut iliveqarfeqarnikkullu aserfallatsaaliinerit nutarterinissallu nutaanillu sanaartornissat eqqarsaatigalugit.

Aalajangiiffigissassatut siunnersuut taamatut isikkoqartillugu Naalakkersuisooqatigiiniit akuersaannngilarput, taamaattorli siuliani oqariartuutigit tunngavigalugit Naalakkersuisut kaammattorusuppagut qulequtaq ilivitsuusumik suliareqqullugu, ilageeqarnerummi iluani pitsannngorsagassat ukiuni aggersuni timitalersorluarneqartariaqalermata.

Taamatut oqaaseqarluta siunnersuut Naalakkersuisooqatigiiniit itigartipparput.

Anders Olsen
Naalakkersuisooqatigiit